

增貪欲者是事不然若人未斷我慢見外物  
 無常故生憂悲失所愛惜故生貪求是凡夫  
 人除捨欲樂更不知離苦猶如嬰兒為母所  
 打還來趣母智者知苦因猶在苦不可滅即  
 捨苦因所謂五陰又此行者壞裂內陰得無  
 我心雖失外物不生憂惱得無我者更何所

求無常想者亦無所求又此無常想若未能  
 生苦無我想則不各具足能破煩惱故經中  
 說應一心正觀五陰無常若不壞內陰見外  
 物無常以有我心故生憂悲此則不名正觀  
 又人雖見無常亦不生厭離如屠獵等是人  
 雖知無常不名善習入人雖能正觀而不能

常勤修習則貪心間錯故說一心又人少修  
 無常而多煩惱則不能壞如藥少病多此事  
 所亦故說一心正觀無常能破煩惱又知法  
 無常是名真智慧真智慧中無有貪等煩惱  
 所以者何以無明因緣故有貪等當知無常  
 非增貪欲又無常想能滅一切煩惱行者若

知此物無常則無有貪又知此人必自當死  
 何為生瞋何有智人瞋將死者又若法無常  
 云何以此而生高心又知諸法無常性故則  
 不生癡以無癡故亦無疑等故知無常相違  
 諸煩惱

十六末

成實論卷第十六

二六

喘反昌軟咽二字音筋斤音猿表二字音鹹咸音  
 蟄反昌軟虫作上直止反下亦穉穉上音穉穉下音駛二使音  
 詞詞二字音祀似音拳反巨負屠獵輒下良反

成實論卷第十七

二七

訶梨跋摩造 姚秦三藏鳩摩羅什譯

苦想品第一百七十四

若法侵惱是名為苦是苦三種苦苦壞苦行  
 苦現在實苦謂刀仗等是名苦苦若愛別離  
 時所有苦生謂妻子等是名壞苦苦若得空無

一

我智心知有為法皆能侵惱是名行苦隨此苦心名為苦想問曰若修苦想得何等利答曰是苦想有厭離果所以者何修苦想者無依貪喜無此喜故則無有愛又行者若能知法是苦則不受諸行若法雖無常無我不能生苦則終不捨以苦故捨以捨苦故於苦得

脫又一切衆生最所怖畏所謂是苦若少壯老年賢愚貴賤知此苦想皆生厭離一切行人於泥洹中能生安隱寂滅心者皆於生死生苦想故何以知之若衆生為欲界繫苦所惱則於初禪生寂滅想如是展轉乃至有頂苦之所惱則於泥洹生寂滅想又生死中所

有過咎謂苦是也如經中說色中過者謂色無常壞敗苦相又以無明故貪著此苦何以知之衆生於實苦中生樂想故深生苦想故則得厭離是故佛言我為能覺苦者說苦諦此中佛因世諦示如是義隨一切天人世間生樂想處我諸弟子於中生苦想生苦想已

則得厭離又極愚癡處謂於苦中而生樂想以此想故一切衆生往來生死心識惱亂若得苦想則得解脫又以四食能致後身以此苦想能斷諸食如子肉食如無皮牛食如火聚食如百稍刺食如是說四食中皆是苦義以此苦想能斷諸食又修苦想者意不樂任

四識處中皆見苦故如癡蛾投火以樂想故智者知火能燒則能遠離凡夫亦無明癡故投後身火智者以苦想故能得解脫又一切三界皆是苦是苦因緣於中苦受是苦能生苦受是苦因緣雖不即苦久必能生是故當觀世間一切皆苦生厭離心不受諸法則得解脫

無我想品第一百七十五

行者見一切法皆破壞相若著色為我是色敗壞知是敗壞相故則離我心受等亦亦如人為山水所漂有所攬捉皆斷脫失行者亦尔所計為我見此物壞則知無我是故於無

我中修無我想問曰修無我想得何等利答曰修無我想者能具苦想凡夫以我想故於實苦中不能見苦以無我想故於少苦中尚覺其惱又於無我想故能行捨心所以者何以我想故畏我永失若能實知則失於苦無我可失則能行捨又以無我想能得常樂所

以者何一切無常是中若生我我所心則謂我當無我所亦無則常有苦若作是念無我所諸法壞時則不生苦又行者以無我想故心得清淨所以者何一切煩惱皆從我見生以此事益我故生貪欲此事損我故生嗔恚以此是我即生憍慢我命終後當作不作

即生見疑如是皆以我故起諸煩惱以無我想故諸煩惱斷煩惱斷故心得清淨心清淨故能等金石柅檀刀斧稱讚毀罵心離憎愛安隱寂滅故知無我想者心得清淨又除無我想更無餘道能得解脫所以者何說有我者若知無我無我所有能生如是決定心時

即得解脫問曰不然或以無我想更生貪心如貪女色皆以非我親故隨以非我能集罪福所以者何自損益身則無罪福答曰有我心者能生貪欲於自身中生男子相於他身中生女人相然後貪著又貪著之起皆由假名彼相即是假名故非無我而生貪心又無

二七

三

我心者不集諸業如阿羅漢斷我想故諸業不集此無我想能斷一切煩惱及業故應修習食厭想品第一百七十六

一切苦生皆由貪食亦以食故助發婬欲於欲界中所有諸苦皆因飲食婬欲故生斷食貪故應修厭想又如劫初衆生從天上來化

生此間身有光明飛行自在始食地味食之多者即失威光如是漸漸有老病死至今百歲多諸苦惱皆由貪著食故失此等利是故應正觀食又貪著飲食故生婬欲從婬欲故生餘煩惱從餘煩惱造不善業從不善業增三惡趣損天人衆是故一切衰惱皆由貪食

又老病死想皆由飲食又食是深貪著處姪欲雖重不能惱人如為食者若少壯老年在家出家無不為食之所惱也又應食此食而心不著未離欲者是最為難如受刀法如服毒藥如養毒虵是故佛說當修習心以此而食不為貪食苦之所惱有諸外道行斷食法

是故佛言此食不以斷故得離當思而食若但斷食煩惱不盡則唐死無益是故佛說於此食中應生厭離想則無上過問曰云何於食應生厭想答曰此食體性不淨極上味食果皆不淨是故應厭又如一切淨潔香美飲食不即淨時能利益身以齒咀嚼涎唾浸漬

狀如歐吐墮生藏中能利益身故知不淨又此飲食不知故樂若人雖得美食還吐出已更不能食當知以不知力故以之為美又以飲食因緣受田作役使積聚守護如是等苦由此因緣起無量罪又所有不淨皆由飲食若無飲食何由而有皮骨血肉及糞穢等諸

不淨物又所有惡道諸廁虫等皆以貪著香味故生其中如業品中說渴死眾生生為水虫慣肉處死則生鳥中貪婬欲死生胞胎中如是等又若離此食則得大樂如生色界及泥洹中又隨以食故有稼穡等苦如是觀食不淨苦故應修厭想

二七

四

一切世間不可樂想品第一百七十七行者見諸世間一切皆苦心無所樂又此行者修離喜定如無常想苦想無我想食厭想死想行等則心不樂一切世間又此人見所愛者則增貪欲見所惡者則增瞋恚故俱不樂又見富貴人有守護等苦見貧窮人有短

乏苦又見好處者將墮惡處見惡處者現受諸苦又見現在富貴知必將墮亦是貪等煩惱住處現在貧窮如無因緣可以得出故不貪樂一切世間又少有眾生得生好處多墜惡道如經中說少生好處多生惡處見此過已但求泥洹又此人見貪等過煩惱常隨眾

生如怨伺人得便殺此怨賊中云何可樂  
又見從煩惱生不善業常追隨逐不善業果  
終不可脫如經中說若汝作惡業今作已作  
當作乃至飛空中終不能得解脫是故不樂  
又生等八苦常隨福人況無福者如是云何  
當樂世間又如毒蛇篋五拔刀賊空聚落賊

此岸諸苦常隨衆生云何可樂又如醜辛愛  
河所漂五欲毒刺無明黑闇火坑中苦常隨  
衆生云何當樂又行者知安隱樂少衰惱苦  
多所以者何見諸世間吉日嘉會林木敷榮  
菓實繁茂國土安樂無得久者歡樂者少受  
苦者多是故不樂一切世間問曰修習此想

二七

五

得何等利答曰能於世間種種相中心不貪  
著又修此想故速得解脫於生死中不復久  
住又此行者得利智慧常習一切過患想故  
又此人心不生煩惱若生速滅如一滴水墮  
熱鐵上行者以不樂世間故能深樂寂滅若  
不厭世間則於寂滅不能深樂是故應習一

切世間不可樂想

不淨想品第一百七十八

問曰云何修不淨想答曰行者見身種子不  
淨謂從父母不淨道生赤白和合又此身為  
不淨所成謂爛壞飲食汁流潤漬又生處不  
淨謂母胎中不淨充滿又糞穢等諸不淨物  
合而為身於九孔中常流不淨又身所置處  
是處即為不吉不淨又飲食衣服來著人身  
皆為不淨為他所惡又為此身物皆是不淨  
如澡浴水若澡槃等又從身所出爪髮垢膩  
及洩唾等皆是不淨又見死屍以為不淨此  
身死時更有何異當知本來常是不淨生時  
但以我心覆故謂之為淨又觸死人者名為  
不淨而髮爪等常是死物無量死虫亦常觸  
身故知此身本來不淨又不淨虱及蠅蚋等  
諸不淨虫常來觸身故知不淨又此身如廁  
不淨常滿因是廁中生千種虫此身亦亦又  
此身如塚所以者何以死屍處故名為塚此

身亦多死亟在其中住又此身能造不淨若淨處好華衣服瓔珞等由此身故皆為不淨又諸婆羅門於死家產家不從受食以不淨故而此身中千萬種亟常生常死則無可從受飲食者故知不淨又世間中獄為不淨此身即是千種亟獄故名不淨又此身常須澡

浴若是淨者何須澡浴耶又以妙好華香瓔珞莊嚴此身當知此身體性不淨假外淨物以為莊嚴又此人身最為不淨如餘衆生皮毛爪齒筋骨肌肉或有任用於人身中無一可取以最不淨故又如優鉢羅鉢頭摩諸蓮華等從不淨中生故名不淨是身不亦不以

二七

六

餘物故令不淨性是不淨又此身若淨則不應以衣服覆蔽如人以衣覆屎尿聚欺誑他人女人如是以服飾覆身誑惑男子男子亦余當知不淨又周遍此身常出不淨謂九孔不淨門及諸毛孔無一淨者故知不淨問曰修不淨想為得何利答曰以取男女淨想故

起貪欲從此貪欲開諸罪門修不淨想則能制伏貪欲所以者何此身皆是臭穢不淨但薄皮覆故不可知似如以衣覆不淨聚好淨潔者則應遠離又此行者以青瘀等想壞一切身以壞身故不生貪欲又亦現見青瘀等色問曰若實未青何故見青答曰行者以信

解力取此青相見一切色皆為青瘀問曰此觀云何非是顛倒答曰此身有青瘀分如經中說木中有淨性又常修習青瘀相故能勝餘色如青珠光能映白色如是久習青瘀等相則不淨具足不淨具足則不起婬欲不起婬欲則諸罪門閉隨順泥洹修不淨想獲如

是利

死想品第一百七十九

行者以死想於壽命中心不決定故應修習又此人常深樂善法除斷不善所以者何衆生多以忘死故起不善業若憶念死則能除斷又常念死故於父母兄弟姊妹親里知識

二七

七

等中貪愛則薄又修習死想則為自利謂能一心集諸善法世間衆生多樂他利自捨已利又此人能速得解脫所以者何隨往來世間常有此死是人厭死故求解脫問曰應云何修死想答曰先摠說一切無常今但觀身無常陰相續斷名曰死想此身無常甚於外物猶如坏瓶無堅牢相行者觀身又過於此所以者何此坏瓶若加防護或可久住此身極久不過百歲以無牢故當念死想又此身多違害法謂刀杖鋒刃怨賊坑岸飲食不消冷熱風病取要觀之一切衆生非衆生物皆是違害身法是故應修死想又行者見身於念念中常是壞相無一念可保故修死想又行者現見少壯老年有病無病無有能却死者自念己身亦當如是故修死想又行者見有不定報業非一切業盡壽百歲業不定故死亦不定故應念死又無始生死中有無量業有業能妨餘業我亦應有非時死業云何

當信此命耶又行者見死有大力勢不可以軟言誘誑財物追逐聞諍得脫如大石山從四方來無逃避處問曰若人能令閻王歡喜則得脫死答曰是愚癡語閻王無自在力能為生殺活但能考檢行善惡事若受報盡反得害身因緣故死是故行者見身無依無救住死道中故念死想又行者常見此身為老病所惱無牢固性以念念生滅相續識繫故修死想又此行者見死是定命則不定定勝不定故修死想問曰何故不說老病等想而但說死想答曰老病奪人不能令盡病奪強健老奪少壯親里財物餘身猶在死則奪盡又老病等是死因緣故不別說又經中說死名大黑闇無有光明無救護者亦無伴儻無所恃怙是最怖處故應念死又衆生以死因緣怖畏後世又三界中一切有死老病不介問曰若不離衆生有死想者衆生即是假名行者何故修習此想答曰不壞衆生相者怖

畏於死若修死想則不生怖畏故應修習又無常想等名為近道不淨食厭及死想等是名遠道未得道者以此等想故能制伏心後三想品第一百八十

斷想者如四正勤中說已生惡不善法為斷故勤精進此諸惡不善法是地獄等苦惱因

緣亦是諸惡名聞及心悔等諸苦之本是故應斷問曰當云何斷答曰得不作法亦時則斷又邪憶念是貪欲等諸煩惱因斷此念故是法則斷問曰修此斷想得何等利答曰修此想者常不隨惡法為所應為又此離八難人身利者謂斷煩惱又樂斷煩惱是法服毀

形出家人利若不尔者唐自辱身又若行者樂修斷想則為以法供養於佛離欲想滅想者若欲盡不生是名離欲念此離欲故名離想問曰若說斷想即是離想何故更說答曰從斷得離斷謂除滅貪欲如經中說斷貪欲故五陰則斷又斷想是離欲想所以者何若

於此法無貪名斷此法是故若得離欲則苦惱滅如經中說離欲者得解脫得解脫即名為斷若入無餘是名為滅又經中說有三性斷性離欲性滅性若說斷性離欲性即是阿羅漢斷一切煩惱離三界欲住有餘泥洹若說滅性即是命終捨壽斷陰相續入無餘泥

二七

九

洹又有二種解脫慧解脫心解脫若說斷即是離無明故慧得解脫若說離欲即是離愛心得解脫二解脫果是名為滅又若說斷想即說斷無明漏若說離欲想即說斷欲漏有漏若說滅想是此二果又如經說斷一切諸行故名斷離一切諸行故名離滅一切諸行故名滅然則此三義一而名異若修無常想乃至滅想則一切事訖滅諸煩惱斷陰結相續入無餘泥洹定具中初五定具品第一百八十一問曰汝先說道諦所謂定具及定已說定定具今應當說所以者何若有定具則定可成



無則不成。答曰：定具者謂十一法：一清淨持戒，二得善知識，三守護根門，四飲食知量，五初夜後夜捨於睡眠，六具足善覺，七具善信解，八具行者分，九具解脫處，十無障礙，十一不著淨持戒者，離不善業，名曰持戒。不善業者，所謂殺盜邪淫，是身三業；妄語兩舌惡口

綺語，是口四業。遠離此罪，是名持戒。又禮敬迎送及供養等修行善法，亦名為戒。以戒能為定，因是故受持。所以者何？猶如冶金，先除塵垢，如是先以持戒除破戒。塵垢過後，以定等除餘細過。所以者何？若無持戒，則無禪定。以持戒因緣，禪定易得。如經中說：戒為道根，亦

為妙梯。又說：戒為初車，若不上初車，云何得上第二車？等又說：戒為平地，立此平地，能觀四諦。又說：二力思力，修力思力，即是持戒。修力是道，先思惟籌量，破戒罪過，持戒利益，故能持戒。後得道已，自然離惡。又說：戒為菩提樹根，無根則無樹，故須淨戒。又法應，亦若無

持戒，則無禪定。猶如治病，藥法所須。如是治煩惱病，若無持戒，則法藥不具。又說：淨持戒者，則心不悔，乃至離欲心，得解脫。是諸功德，皆由持戒。故名定具。又有業障煩惱障，是二障。果名為報障。若淨持戒，則無此三障。若心無障，則能成定。又淨持戒者，不敗壞，故必至

泥洹。如恒水中材，又淨持戒，故能安立。持戒能遮不善身口業。禪定能遮不善意業。如是遮諸煩惱，得真實智，則畢竟斷。又道品樓觀，以戒為柱。禪定心城，以戒為郭。度生死河，以戒為橋。梁入善人眾，以戒為印。八真聖田，戒為壇畔。如田無畔，水則不住。如是若無淨戒

則定水不住。問曰：云何名淨持戒？答曰：若行者深心不樂為惡，怖畏後世及惡名等，名淨持戒。又行者以心淨，故持戒清淨。如七姪欲經中說：身雖不犯心不淨，故戒亦不淨。又破戒因緣，是諸煩惱。若能制伏為淨持戒，又聲聞持戒，但為泥洹求佛道者，以大悲心為一

切衆生不取戒相能令此戒如菩提性如是持戒名曰清淨善知識者經中說以二因緣能生正見一從他聞法二自正憶念所從聞法名善知識問曰若亦何故但說善知識耶答曰經中說阿難問佛我宴坐一處作如是念遇善知識則爲得道半因緣也佛言莫作

是語善知識者則爲得道具足因緣所以者何生老病死衆生得我爲善知識則於生老病死皆得解脫又衆生因善知識則能增長戒等五法如娑羅樹因雪山故五事增長又佛尚自樂善知識如初得道時作如是念若人無師則無所怖畏無恭敬心常爲惡法所

二十七

十一

覆無安隱行我當以誰爲師依誰而住作是念已遍觀一切無勝已者即生念言我所得法因此成佛當還依此法梵等諸天亦讚言亦無勝佛者一切諸佛皆以法爲師又善知識猶如明燈有目無燈則不能見如是行者雖有福德利根因緣無善知識則無所益問

曰何者是善知識答曰隨能令人增長善法名善知識又一切善人住正法者皆是天人世間善知識也守護根門者謂正憶念行者不可閉目不視但應一心正念現前又名正慧以此正慧能破壞前緣能破壞前緣故能不取相不取相故不隨假名若不守諸根以

取相故諸煩惱生流於五根即破戒等善法若能守根門則戒等堅固飲食知量者不爲色力姪欲貪味故食爲濟身故問曰行者何故爲濟身耶答曰爲修善法故若離善法則無道無道則無離苦若人不爲修善故食則唐養怨賊亦壞施主福損人供養如是不應

食人之食問曰飲食以何爲量答曰隨能濟身是名爲量問曰應食何食答曰若食不增冷熱等身病貪恚等心病是則應食是食亦應隨時若知此食於此時能增冷熱貪恚等病則不應食問曰諸外道言若食淨食則能得淨福謂隨意所嗜色香味觸水灑呪願然

後乃食是名為淨此事云何答曰飲食無有  
 決定淨者所以者何若以殘食為不淨者一  
 切飲食無非殘者如乳為犢殘蜜為蜂殘水  
 為虫殘華為蜂殘菓為鳥殘如是等又此身  
 從不淨生體性不淨不淨充滿飲食先是不  
 淨後入身中無一淨者但以倒惑妄謂為淨

問曰若都無淨則與梅陀羅等有何差別答  
 曰有以不殺不盜不邪命等如法得食以觀  
 食過智慧水灑然後乃食非但水灑便名為  
 淨初夜後夜損睡眠者行者知事由精勤成  
 故不睡眠又見睡眠空無所得若汝以睡眠  
 為樂此樂少弊不足言也又行者不樂煩惱

二十七

十二

同處如人不樂與怨賊住世豈有人於賊陣  
 中而當睡眠故不睡眠問曰睡眠強來云何  
 除遣答曰是人得佛法味深心歡喜故能除  
 遣又念生死中老病死過心則怖畏故不睡  
 眠又行者見得人身諸根具足得值佛法能  
 別好醜是為甚難今不求度何時當得解脫

故勤精進以除睡眠  
 不善覺品第一百八十二

具足善覺者若人雖不睡眠而起不善覺所  
 謂欲覺瞋覺惱覺若親里覺國土覺不死覺  
 利他覺輕他覺等寧當睡眠勿起此等諸不  
 善覺應當正念出等善覺所謂出覺不瞋惱

覺八大人覺欲覺者謂依欲生覺於五欲中  
 見有利樂是名欲覺為衰惱眾生是名瞋覺  
 惱覺行者不應念此三覺所以者何念此三  
 覺則得重罪又先已說貪等過患以此過患  
 故不應念問曰何故不說癡等覺耶答曰是  
 三惡覺次第而生餘煩惱不如是行者或念

五欲故生貪覺不得所貪故生瞋恚瞋成各  
 惱是故不說癡等又癡所成果所謂貪恚若  
 從貪恚生不善業此三覺各不善業因如經  
 中說如有土封夜則煙出晝則火然煙即是  
 覺火名為業親里覺者由親里故起諸憶念  
 欲令親里得安隱樂若念衰惱則生愁憂若

二十七

十三

念與親里種種同事名為親里覺行者不應  
憶念此覺所以者何本出家時已捨親里今  
依此覺則非所宜又若出家人還念親里則  
唐捨家屬空無所成以愛親里故生貪著貪  
著故守護守護因緣鞭杖等業次第而起是  
故不應生親里覺又與親里和合則不能增

長善法又行者當念一切衆生生死流轉無  
非親里何故偏著又生死中為親里故憂悲  
啼哭淚成大海今復貪著則苦無窮已又衆  
生以利益因緣便相親愛無有決定又念親  
里者是愚癡相世間愚人未有自利而欲利  
他若念親里則少自利以此等故行者不應

起親里覺國土覺者行者生念某處國土豐  
樂安隱當往到彼可得安樂又心輕躁欲遍  
遊觀行者不應起如是覺所以者何一切國  
土皆有過惡有國土大寒有國土大熱有國  
多儉有國多病有國多盜賊有如是等種種  
諸過故不應念又輕躁者則失禪定隨所樂

處能增善法則名為好何用遍觀諸國土耶  
一切國土但可遠聞到不必稱以世間人多  
過言故又遊諸國者受種種苦又身是苦因  
持此苦因隨所至處則受諸苦又受苦樂皆  
由業因雖復遠去亦無所益是故不應起國  
土覺不死覺者行者作如是念我徐當修道

先當讀誦修多羅毗尼阿毗曇雜藏菩薩藏  
廣習外典多畜弟子牽引善人供養四塔觀  
化衆人令大布施後當修道名不死覺行者  
不應起如是念所以者何死時不定不可預  
知若營餘事中則命盡不得修道後將死時  
心悔憂惱我唐養此身空無所得與當生同

死如經中說凡夫應二十種自折伏心謂如  
是念我但形服異俗空無所得乃至當以不  
調至死又智者不作所不應作如法句中說  
不應作不作應作則常作憶念安慧心諸漏  
則得盡又經中說未得四諦者方便為欲得  
當勤加精進甚於救頭然是故不應起不死

二十七

十四

